

## আইএসএলের সব ম্যাচ হতে পারে গোয়ায়, আই লিগ কলকাতায়

নিজস্ব প্রতিনিধি, কলকাতা: আসন্ন মরশুমের আইএসএলের সব ম্যাচ হওয়ার উজ্জ্বল সম্ভাবনা রয়েছে গোয়ায়। ঠিক তেমনই কলকাতায় আয়োজিত হবে আই লিগের যাবতীয় খেলা। কলকাতায় মহিলা অনূর্ধ্ব-১৭ বিশ্বকাপের জন্য যুবভারতী ক্রীড়াঙ্গন পাওয়া যাবে না। তাই আইএসএলের কোনও ম্যাচই কল্লোলিনী তিলোত্তমায় আয়োজন করার সুযোগ নেই। সোমবার এক লাইভ ওয়েব সেমিনারে অংশ নিয়ে এমনটাই জানালেন ফেডারেশন সচিব কুশল দাস। একইসঙ্গে তিনি বলেন, 'বিদেশি ফুটবলারদের লিগে অংশ নেওয়ার ব্যাপারে কেন্দ্রীয় সরকারের গাইডলাইনই শেষ কথা। যদি অনুমতি না মেলে, সেক্ষেত্রে বিদেশি ছাড়াই দু'টি লিগ হবে।'

অক্টোবরে ঘরের মাঠে কাতারের বিরুদ্ধে বিশ্বকাপ যোগ্যতা অর্জন পর্বের ম্যাচ খেলবেন সুনীলরা। তার আগে অন্তত আট সপ্তাহের প্রস্তুতি ক্যাম্প

করতে চান কোচ ইগর স্টিমাচ। যদিও ফেডারেশন সচিব সাফ জানিয়ে দিয়েছেন, ম্যাচ ভুবনেশ্বরে, তাই ক্যাম্পও ওখানেই হবে। তার জন্য ওড়িশা সরকারের সঙ্গে যোগাযোগও করা হয়েছে। তবে এখনও তাদের পক্ষ থেকে কোনওরকম উত্তর মেলেনি।

এদিকে, শেষ কয়েক বছরে ভারতীয় জাতীয় দলে বিদেশি কোচেরা দাপট দেখিয়েছেন। বব হাউটন, স্টিফেন কনস্ট্যানটাইন থেকে বর্তমানে ইগর স্টিমাচ, বাববার বিদেশি কোচদের উপরই ভরসা দেখিয়েছেন ফেডারেশন কর্তারা। তবে আগামী পাঁচ বছরের মধ্যে এই চিত্র বদলানোই লক্ষ্য ফেডারেশন সচিব কুশল দাসের। প্রসঙ্গক্রমে তিনি বলেন, 'বর্তমানে আমাদের দেশে বেশ কয়েকজন উদীয়মান কোচ রয়েছেন। তাঁদের নেদারল্যান্ডস কিংবা জার্মানিতে পাঠিয়ে উপযুক্ত প্রশিক্ষণ দেওয়ার

পরিকল্পনা রয়েছে। ভবিষ্যতে জাতীয় দলের দায়িত্ব তাঁরা পেতেই পারেন।'

একইসঙ্গে মহিলা অনূর্ধ্ব-১৭ বিশ্বকাপের প্রস্তুতির জন্য ভারতীয় দলের ক্যাম্প গোয়া কিংবা বাউথগে করার ভাবনা চিন্তা করছে ফেডারেশন।

### 'শর্ত পূরণ করলে সেরা লিগে খেলতেই পারে ইস্ট বেঙ্গল'

নিজস্ব প্রতিনিধি, কলকাতা: এএফসি লাইসেন্সের প্রক্রিয়া আর কয়েকদিনের মধ্যেই শুরু হয়ে যাবে। মঙ্গল বা বুধবারের মধ্যে এএফসি'র সদর দপ্তর থেকে ২০২০-২১ মরশুমের লাইসেন্সিংয়ের ফর্ম এসে পৌঁছবে দিল্লির ফুটবল হাউসে। সোমবার এক আলোচনাচক্রে বক্তব্য রাখতে গিয়ে ফেডারেশন সচিব কুশল দাস সোমবার জানান, 'ইস্ট বেঙ্গলের আইএসএলে খেলার পথ এখনও খোলা। স্রেফ যাবতীয় শর্ত পূরণ করতে হবে। ১৫ জুলাই দেশে লাইসেন্সিং প্রক্রিয়া শুরু হলেও ধাপে ধাপে সব শর্ত পূরণ করলে পারলে লাল-হলুদ ব্রিগেডকে আইএসএলে খেলতে দেখা যেতেই পারে।' উল্লেখ্য, এই প্রক্রিয়া চলবে ৩০ সেপ্টেম্বর পর্যন্ত। এর সঙ্গে যুক্ত ফুটবল হাউসের আর এক শীর্ষ আধিকারিক বললেন, 'লাইসেন্সিংয়ের জন্য আবেদন করার জন্য শেষ দিন বলে কিছু নেই।' যা ইস্ট বেঙ্গলের কাছে স্বস্তির খবর। তবে শুক্রবার লেটার অব টার্মিনেশনের ব্যাপারে ইস্ট বেঙ্গল পাল্টা ড্রাফট পাঠালেও সোমবার সন্ধ্যা সাতটা পর্যন্ত ইতিবাচক কিছু হয়নি।

এদিকে, ইস্ট বেঙ্গলের এক শীর্ষকর্তা জানালেন, 'করোনার প্রকোপের মধ্যে ভারতগৌরব বা জীবনকৃতির মতো সম্মান দেওয়া এবার হচ্ছে না। পরিবর্তে উম-পুন বিশ্বস্ত মানুষের পাশে আমরা দাঁড়াতে চাইছি। ১ আগস্ট ২০১৩তম প্রতিষ্ঠা বার্ষিকীতে সকালে ক্লাব তাঁবুতে পতাকা উত্তোলন ও কেক কাটা হবে।'